



COMUNU DE CABUDERRA

Tzitadi Metropolitana de Casteddu

DELIBERATZIONI DE SA GIUNTA COMUNALI N. 16 DE SU 01/02/2023

OGETU: *CUNTZESSIONI PATROTZÌNIU A INDONU A FAVORI DE S' ASSÒTZIU SPORTIVU JKSPORT - RAPRESENTANTI LEGALI CABONI FABIO - PO SA CUMPETIZIONI DE KARATE DE DOMÌNIGU, SU 12 DE MARTZU 2023.*

S' annu 2023, su 01 de su mesi de Friàrgiu a ora de is 13.00, in sa residèntzia comunali, cunvocada a manera amesturada presèntzia/videocunferèntzia cunforma a su Regulamentu Comunali po sa modalidadi telemàtica, s' est atobiada sa Giunta Comunali cun is personis chi s'ghint:

<i>Nòmimi e Sangunau</i>	<i>Càrriga</i>	<i>Presenti</i>
Beniamino Garau	Sìndigu	Eja
Dessi Donatella	Assessori	Eja
Frongia Pietro	Assessori	Eja
Montis Giovanni	Assessori	Eja
Sorgia Silvia	Assessori	Eja
Solinas Marco	Assessori	No
Garone Katiuscia	Assessori	Eja

Presentis: 6

Ausentis: 1

Pigat parti a sa setziada su Segretàriu Generali Sa Dotora Felicina Deplano.

Su Sìndigu, Beniamino Garau, ndi liat sa presidèntzia e de chi at averiguau su nùmeru de is presentis, decrarat aberta s' adunàntzia.

SA GIUNTA COMUNALI

Postu chi:

- cun annotadura de su 05 de gennàrgiu 2023, arricida de sa Prisia Generali de custu Enti cun Nùmeru 759, Su Senn. Caboni Fabio, in calidadi de Rapresentanti Legali de s' Assòtziu JKSPORT, at pediu su Patrotzìniu de su Comunu de Cabuderra po sa Cumpetizioni de Karate, chi s'at a fai in su Palatzieddu de su Sport de Bia de Siena, in Cabuderra, po Domìnicu, su 12 de Martzu 2023;
- su Progetu Eventu est de importu mannu po sa sotzialidadi e su sport e cun medas atletas, sena scopu de lucru de parti de is organizadoris;

Torrada sceda bona a sa manifestatzioni;

Ca sa cuntzessioni de su Patrotzìniu est disciplinada de su Regulamentu Comunali aprovau cun Deliberatzioni de su Consillu Comunali n. 31 de su 29/04/2022;

Pigau atu de s' artìculu 2 de su Regulamentu "Su Patrotzìniu est un' atu autònomu cunforma a àteras formas de interventu comunali, comentu cuntzessionis de sali, de struturas, de contributus, e sa cuntzessioni sua est riservada sceti a sa cumpetèntzia de sa Giunta Comunali chi intervenit cun Deliberatzioni sua";

Arriciu parri a favori in contu de regularidadi tècnica cunforma a s' art. 49, c. 1, de su D.Lgs. n. 267/2000, de parti de su Responsàbili de su Setori Su Dotori Giorgio Lecca;

Liau a cunsideru s' art. 49 de su D.Lgs. n.267/2000;

Cun votatzioni a favori e a totòmini,

DELÌBERAT

De donai, cunforma a su Regulamentu po sa cuntzessioni de su Patrotzìniu Comunali, su Patrotzìniu a indonu de su Comunu de Cabuderra po sa Cumpetizioni de Karate, chi s'at a fai in su Palatzieddu de su Sport de Bia de Siena, in Cabuderra, po Domìnicu, su 12 de Martzu 2023;

De autorizai s' imperu de su stema de su Comunu de Cabuderra, cunforma a s' art. 10 de su Regulamentu arremonau;

De si riservai su diritu de rèvoça de su Patrotzìniu in s' in casu de cunditziunis previdias de s' artìculu 13 de su Regulamentu;

De donai atu chi sa cuntzessioni de custu Patrotzìniu no ndi liat òbligu perunu a is organizadoris de sa manifestatzioni, previdius de is leis e/o regulamentus, pertocantis s' atividadi asuta de patrotzìniu;

De donai atu chi custu provedimentu no ocasionat gastus a càrrigu de su Comunu de Cabuderra.
